

## خَلِّ وَتَوْمٌ

خَشَّ المَطْبِخَ يالِلا أَوامُ  
كسَّرَ عَيْشَ وَكفايَةَ كِلامُ  
قَشَّرَ فَصِينِ تَوْمِ يا هُمَامُ  
ويا الصِّلصَةَ هَتبِقِي تَمامُ  
طاجنِ فَتَّهَ بِخَلِّ وَتَوْمُ  
ناكلِ وَمنقَدِرشِ نَعومُ  
نَتَّابِ وَنِروحِ في النَوْمِ  
وَنَجْرِ شَريطِ الأَحلامِ  
خَيرِ اللَهمِ اجعَله خَيرِ  
قَلبِي بِحَبِ النَّاسِ بِبَيطيرِ  
ويزِقْزِقِ زِي العِصافيرِ  
ويغني يا ما حَلِي الأَيامِ  
عائِشِ متهَيِّ وَمبسوطِ  
وباشَّتِي فِ أسوانِ واسيوطِ

م المحمول انا عندي خطوط  
باشتري وميسألشي بكام  
كام عربية وفيلا كبيرة  
وجناين مفتوحة كتيرة  
ومراتي تعيش زي أميرة  
تنهي وتأمر في الخدام  
بين الناس حنية ورحمة  
يتمشوا ف شارع مش زحمة  
يتعدوا ويتعشوا بلحمة  
يفطروا بفراخ ويا حمام  
العالم بقى كله بلادي  
شرق وغرب جبل أو وادي  
والمستقبل كله قصادي  
كل الناس عايشين في سلام  
لا في حروب في قلوب الناس

ولا حد حقوقه بتنداس  
علشان أصله ملهش أساس  
أو معرفة بين الحكام  
ولا كوسة تتخور في عظامنا  
وتخلي اللي ورانا أماننا  
وتضيع منا أحلامنا  
وتعيثنا بواقى خُطام  
ولا أمريكا تلخبط حالنا  
وتمصمص من دم عيالنا  
وتهدّ بقواعدها آمالنا  
وتجرعنا السيم كلام  
ولا روسيا ولا حتى يهود  
ولا صهيوني جبان وحسود  
ولا طلياني يعدي حدود  
ويعيش في سنين الأوهام

